



**Verneområdestyret
for Geiranger-Herdalen**

Møre og Romsdal fylkeskommune,
Vegseksjonen Korsmyra Indreeide fv63
V Erlend Aune

SAKSBEHANDLAR: INGILD HANSEN NYSTAD

ARKIVKODE: 2021/5702 - 432.2

DATO: 17.01.2022

Oppføring av teknisk bygg, Korsmyra, Geiranger-Herdalen landskapsvernområde

Styret i Geiranger-Herdalen landskapsvernområde gjorde 13.januar 2022 einstemmig vedtak:

«Verneområdestyret for Geiranger-Herdalen gir fylkesvegprosjektet løyve til oppføring av teknisk bygg på 60 m2 på Korsmyra med heimel i Naturmangfoldlova §48.

Løynet forutset løysingar som ivaretar landskapsverdiane på best muleg måte. Utforming, plassering og materialbruk skal konfererast med og endeleg godkjennast av fylkeskulturavdelinga ved kulturarvseksjonen. Styret oppmodar til fråvikssøknad om plassering av bygget.»

Klagerett

Vedtaket kan klagast på av ein part eller annan med rettsleg klageinteresse, jf Forvaltingslova §28. Frist for klage er tre veker etter at vedtaket er motteke. Klagen stilast til Miljødirektoratet, men sendast til Verneområdestyret for Geiranger-Herdalen. Skjema for klage: www.statsforvaltaren.no/FvIKlageMR.

Full saksframstilling ligg ved.

Med helsing

Ingvild Hansen Nystad (e.f. leiar i verneområdestyret for Geiranger-Herdalen)
Verneområdeforvaltar Geiranger-Herdalen landskapsvernområde

Postadresse:
Postboks 2520
6404 Molde

Telefon:
928 20 034

E-post: ingvild.hansen.nystad@fylkesmannen.no
Web: www.nasjonalparkstyre.no/Geiranger-Herdalen/

Kopi til:

Stranda kommune

Øyna 13

6200 STRANDA

Møre og Romsdal fylkeskommune, kulturavdelinga, kulturarvseksjonen

SNO Geiranger

Statsforvaltaren i Møre og Romsdal

Postboks 2520

6404 MOLDE



**Verneområdestyret
for Geiranger-Herdalen**

Arkivsaksnr: 2021/5702-0

Saksbehandlar: Ingvild Hansen Nystad

Dato: 10.01.2022

Utval	Utvalssak	Møtedato
Verneområdestyret for Geiranger - Herdalen	2/2022	13.01.2022

**Dispensasjon for oppføring av teknisk bygg ved Korsmyra, fv 63
Geiranger-Herdalen landskapsvernområde**

ST 02/2022

Oppføring av teknisk bygg, Korsmyra, Geiranger-Herdalen landskapsvernområde

Saksprotokoll i Verneområdestyret for Geiranger - Herdalen - 13.01.2022

Framlegg til vedtak:

«Verneområdestyret for Geiranger-Herdalen gir fylkesvegprosjektet løyve til oppføring av teknisk bygg på 60 m2 på Korsmyra med heimel i Naturmangfoldlova §48.

Utforming, plassering og materialbruk blir konferert med og endeleg godkjent av fylkeskulturavdelinga.»

Handsaming i møtet:

Verneområdestyret drøfta nærare fylkeskulturavdelinga si foreløpige uttale, der det ytrast skepsis både til utforming og plassering. Medlemmane var særleg einige i fylkeskulturavdelinga sin uttale om plassering

av bygget, og vil gjerne presisere eit ønskje om ny vurdering av denne, om nødvendig gjennom ein ny fråvikssøknad. Styret ville også innlemme ivaretaking av landskapsverdiane i vedtaket.

Vedtak

Verneområdestyret for Geiranger-Herdalen gir fylkesvegprosjektet løyve til oppføring av teknisk bygg på 60 m² på Korsmyra med heimel i Naturmangfoldlova §48.

Løyvet forutset løysingar som ivaretar landskapsverdiane på best muleg måte. Utforming, plassering og materialbruk skal konfererast med og endeleg godkjennast av fylkeskulturavdelinga ved kulturarvseksjonen. Styret oppmodar til fråvikssøknad om plassering av bygget.

Forvaltar si tilråding

Verneområdestyret for Geiranger-Herdalen gir fylkesvegprosjektet løyve til oppføring av teknisk bygg på 60 m² på Korsmyra med heimel i Naturmangfoldlova §48.

Utforming, plassering og materialbruk blir konferert med og endeleg godkjent av fylkeskulturavdelinga.

Søknaden

Fylkesvegavdelinga ved byggeleiar Erlend Aune søker 16.12.21 om avklaring etter verneforskrifta for å føre opp eit teknisk bygg i dagsona på Korsmyra.

Bygget skal etablerast på areal regulert for vegformål i samband med rassikringstunnelen Indreeide-Korsmyra fv 63. Bygget skal tene funksjonar som lågspenfordeling, naudstyreskåp, naudstasjon, høgspenntrafo, mobil og naudnett, mm.

I vedtatte reguleringsplan er det regulert eit areal på ca 15 m² til formålet. Dette viser seg å ikkje vere tilstrekkeleg etter dagens krav. «Byggets størrelse bestemmes av Statens Vegvesens sin håndbok, N500, og iht. gjeldende versjon skal bygget være 23 x 5 m og 3 m- høyt. Totalt gir dette et areal på 115 m². Videre stilles det krav til SOS-kiosk med innvendig mål 1,5 m x 1,5 m utenfor tunnelportal», skriv søkjar. Søknaden kjem etter høyringsbrev frå Stranda kommune (16.11.2021), og påfølgjande møte og korrespondanse med verneområdeforvaltninga.

Fylkesvegavdelinga sende fråvikssøknad om storleiken på bygget etter oppmoding frå forvaltninga i november 2021, og verneområdestyret fekk presentert saka på styremøte 02.12.21. Styret ønska her at landskapsarkitekt vart nytta i vurderingane av alternative utformingar på bygget.

Verneområdeforvaltninga mottok 11.01.22 stadfesting om at fråvikssøknaden om redusert areal på bygget er innfridd.

Søknaden til verneområdestyret gjer greie for korleis ein kan forbedre den visuelle kvaliteten på bygget med alternative illustrasjonar vedlagt. «Bygget vil utføres i betong med mørkt tretak ihht. anbefalinger fra landskapsarkitekt», konkluderer søkjar.

«Ved godkjenning av søknad vil vi jobbe videre med detaljprosjektering av bygget og jobbe videre med material- og fargevalg. Dersom verneområdestyre har innspill til videre prosjektering mhp. farge- og materialvalg inviterer vi gjerne til dialog vedr. dette.»

Ei foreløpig vurdering av bygningsforslaget ligg føre frå rådgivarar hos fylkeskulturavdelinga.

Naturmangfoldlova og verneforskrifta

Søknaden blir vurdert etter

- Verneforskrifta for landskapsvernområdet Geiranger-Herdalen av 8.10.2004
- Forvaltningsplanen for Vestnorsk fjordlandskap, delområde Geirangerfjorden av 16.12.2008
- Naturmangfoldlova av 1.7.2009

Føremåla med opprettinga av Geiranger-Herdalen landskapsvernområde er å ta vare på

- eit særprega og vakkert fjord- og fjellandskap med eit rikt og variert plante- og fugleliv,
- viktige kulturlandskap der fjordgardar, setermiljø og kulturminne utgjør ein vesentleg del av landskapet sin eigenart, og
- geologiske forekomstar og landskapsformer.

Prinsippa i naturmangfoldlova §§8-12 skal takast med i vurderingane.

Vurdering av saka

Det tekniske bygget vil krevje ein ny dispensasjon i forhold til eksisterande reguleringsplan, dispensert mtp sikkerheitsformål (NML §48) i 2019. Sidan bygget aukar frå planlagde 12 m2 til ca 120 m2, krev landskapsvernet ei ny vurdering av tiltaket.

Ein dispensasjon vil kunne gjevast for strengt nødvendige sikringsomsyn i tråd med tidlegare vedtak og heimlast i naturmangfaldlova §48, men med nye vurderingar i forhold til påvirkning av landskapsverdiane. Storleik, plassering, materialval og utforming vil måtte diskuterast på nytt.

På bakgrunn av dette har fråvikssøknad om storleik vorte omsøkt av byggeleiar, og vorte innvilga til halvert storleik, 60m2.

Bygget vil likevel vere ein iaugefallande installasjon for dei køyrande ut av tunnelen ved Korsmyra, innfallsporten til landskapsvernområdet. Installasjonen vil ligge midt mellom vinter- og sommarvegen, og såleis også vere eit tydeleg element i landskapet om sommaren.

Fylkeskulturavdelinga sin kulturarvseksjon er verneområdeforvaltinga sin rådgivar i forhold til bygningar i landskapsvernområdet. Ein foreløpig reaksjon herifrå er mottatt (04.01.22): «Reguleringsplanen har fastlagt plassering av det tekniske bygget, men føresetnadene når det gjeld bygningen sin storleik er vesentleg endra. Ut frå det stiller vi spørsmålet om det kan vere eit betre alternativ å lokalisere det tekniske bygget i tilknytning til tunelloppninga eller vegskjæringa og då løyse det som ein rein natursteinskonstruksjon integrert med sjølve skjæringa eller tunelloppninga.»

Fylkeskulturavdelinga er heller ikkje overtydd om val av løysing i søknaden, og har kommentarar både til arealbruk, utforming og materialbruk. Rådgivar her stiller seg open for vidare dialog med tiltakshavar om desse spørsmåla, også etter verneområdestyret si handsaming av søknaden, heiter det i uttalen.

Vurdering etter prinsippa i Naturmangfoldloven §§8-12

§8 «Kunnskapsgrunnlaget»

Tiltaket er del av tidlegare vedtatt reguleringsplan, og vil bygge på same avgjerd ifht kunnskapsgrunnlag. Det er først og fremst omsynet til landskapsbildet som vil vere avgjerande her. Tiltakshavar og fylkeskulturavdelinga sikrar kvalitet rundt utføring i forhold til dette.

§9 «Føre-var-prinsippet»

Vi går ut frå at forarbeid, arbeid og opprydding går føre seg på skånsamt vis for natur- og kulturmiljø, i tråd med tidlegare vedtatte planar.

§10»Økosystemtilnærming og samlet belastning»

Søknaden argumenterer for at det tekniske bygget er eit lite inngrep i den store samanhengen:

«Prosjektet er av den oppfatning at økningen av areal med formål STB fra 12 til 120 m2 inklusive oppføringen av et teknisk bygg er et mindre inngrep enn selve bergskjæringa og må aksepteres» Jamfør NML skal den samla belastninga gjerast minst muleg, noko som blir innfridd gjennom fråvikssøknad og vidare vurderingar av utforming.

§11«Kostnadene ved miljøforringelse skal bæres av tiltakshaver» og

§12 «miljøforsvarlige teknikker og driftsmetoder» er innlemma i tidlegare sakshandsaming for vegprosjektet, men gjeld sjølvstøtt ògså her.

Konklusjon

Det tekniske bygget har vorte redusert ned til strengt nødvendige areal med tanke på sikringsfunksjonar og regelverk. Både tiltakshavar og fylkeskommunen sine rådgivarar er opne for vidare dialog om sjølv utforminga og plasseringa av bygget. Verneområdestyret kan såleis gje løyve til oppføringa av det tekniske bygget, med kriteria om ei utforming som ivaretar landskapsverdiane på best muleg måte. Utforming, plassering og materialbruk blir konferert med og godkjent av våre rådgivarar hos fylkeskulturavdelinga.